



**INTERNA PRAVILA**  
**o izmjenama i dopunama**  
**Internih pravila**  
**o podnošenju zahtjeva za sticanje statusa potencijalnog**  
**privilegovanog i privilegovanog proizvođača električne energije iz**  
**obnovljivih izvora energije i efikasne kogeneracije**

*februar 2015. godine*

Na osnovu člana 10. Zakona o korištenju obnovljivih izvora energije i efikasne kogeneracije ("Službene novine Federacije BiH", broj: 70/13 i 05/14) i člana 6. i 31. Statuta Operatora za obnovljive izvore energije i efikasnu kogeneraciju, broj: 01-242/14 od 02.09.2014, direktor Operatora za obnovljive izvore energije i efikasnu kogeneraciju, uz prethodnu saglasnost Upravnog odbora Operatora za obnovljive izvore energije i efikasnu kogeneraciju, d o n o s i

## **INTERNA PRAVILA**

### **o izmjenama i dopunama**

#### **Internih pravila**

#### **o podnošenju zahtjeva za sticanje statusa potencijalnog privilegovanog i privilegovanog proizvođača električne energije iz obnovljivih izvora energije i efikasne kogeneracije**

### **Član 1.**

U Internim pravilima o podnošenju zahtjeva za sticanje statusa potencijalnog privilegovanog i privilegovanog proizvođača električne energije iz obnovljivih izvora energije i efikasne kogeneracije, broj: 02-535/14 od 04.11.2014. godine (u daljnjem tekstu: Interna pravila), član 8. stav (2) i stav (4) mijenja se i glasi:

„(2) Operator za OIEiEK podnosiocu zahtjeva nudi da se njegovo postrojenje uključi na listu čekanja ukoliko postrojenje zadovoljava kriterije u pogledu veličine postrojenja i potrebnog vremena za njegovu izgradnju, priključenja na elektroenergetsku mrežu i dobivanja upotrebne dozvole, ako je dinamička kvota za tu vrstu postrojenja popunjena. Pod dinamičkom kvotom za tu vrstu postrojenja podrazumijeva se dinamička kvota određena APOEF-om, za taj primarni izvor. U tom slučaju Operator za OIEiEK daje jasnu informaciju podnosiocu zahtjeva kada bi najranije to postrojenje moglo biti uključeno u dinamičku kvotu za tu vrstu postrojenja.

Nakon dobivanja pozitivnog odgovora Operator za OIEiEK donosi odluku kojim se postrojenje uključuje na listu čekanja.“

„(4) Akt Operatora za OIEiEK kojim se donose odluke iz stava (1), (2) i (3) ovog člana, donosi se u formi rješenja i moraju sadržavati pouku o pravnom lijeku.“

### **Član 2.**

Član 9. stav (1) mijenja se i glasi:

„(1) U slučaju donošenja pozitivne odluke iz člana 8. stav (1) i stav (2) ovih Internih pravila, podnosilac zahtjeva je dužan da, u roku od 30 dana, izvrši plaćanje novčanog depozita u iznosu od 1% ukupne investicione vrijednosti projekta, ili dostavi bankovnu garanciju na isti iznos naplativu po pozivu, kao garanciju da će postrojenje biti izgrađeno u predviđenom roku, nakon čega stiče status potencijalnog privilegiranog proizvođača, odnosno potencijalnog privilegovanog proizvođača na listi čekanja i

pravo potpisivanja predugovora o otkupu električne energije proizvedene iz postrojenja OIEiEK (u daljem tekstu: Predugovor). Projekti čija ukupna instalisana snaga postrojenja ne prelazi 23 kW, ne podliježu obavezi plaćanja depozita.“

### **Član 3.**

Iza člana 9. dodaje novi član 9a. koji glasi:

#### **„Član 9a.**

##### **(Lista čekanja)**

(1) U slučaju pismene ponude za stavljanje na listu čekanja iz člana 8. stav (2) ovih Internih pravila, podnosilac zahtjeva, u roku od 15 dana od dana dobivanja ponude, pismenim putem obavještava Operatora za OIEiEK da li prihvata tu ponudu.

(2) Ukoliko je odgovor na ponudu za listu čekanja pozitivan, Operator za OIEiEK donosi rješenje, kojim se podnosiocu zahtjeva utvrđuje status potencijalnog privilegovanog proizvođača na listi čekanja. Rješenje treba da sadrži i informaciju o uvrštavanju postrojenja na listu čekanja, te informaciju kada cjelukupna instalisana snaga postrojenja može biti uključena u dinamičku kvotu.

(3) Nakon izdavanja Rješenja iz stava (2) ovog člana, Operator za OIEiEK je dužan postrojenje podnosioca zahtjeva uključiti na listu čekanja. Podatke o podnosiocu zahtjeva, datumu podnošenja i kompletiranja zahtjeva, datumu uključanja na listu čekanja i podatke o postrojenju Operator za OIEiEK objavljuje na svojoj internet stranici.

(4) Podnosilac zahtjeva kojem se utvrdi status potencijalnog privilegovanog proizvođača na listi čekanja i čije je postrojenje uvršteno na listu čekanja stiče pravo potpisivanja predugovora o otkupu električne energije sa Operatorom za OIEiEK, u skladu sa članom 10. Internih pravila.

(5) Ukoliko je odgovor na ponudu za listu čekanja negativan ili se podnosilac zahtjeva ne izjasni u roku iz stava (1) ovog člana, Operator za OIEiEK donosi rješenje kojim se zahtjev za sticanje statusa potencijalnog privilegovanog proizvođača odbija. Rješenje Operatora za OIEiEK kojim se zahtjev odbija obavezno mora sadržavati obrazloženje odluke, kao i pouku o pravnom lijeku.“

### **Član 4.**

Član 15. stav (2) i stav (4) mijenja se i glasi:

„(2) U slučaju da se zahtjev odnosi na zatečeni projekat, u smislu člana 3. stav (1) tačka gg) Zakona, te ukoliko postrojenje zadovoljava kriterije u pogledu veličine postrojenja, ako je dinamička kvota za tu vrstu postrojenja popunjena Operator za OIEiEK podnosiocu zahtjeva nudi da se njegovo postrojenje uključi na listu čekanja. Pod dinamičkom kvotom za tu vrstu postrojenja podrazumijeva se dinamička kvota određena APOEF-om, za taj primarni izvor. U tom slučaju Operator za OIEiEK daje jasnu informaciju podnosiocu zahtjeva kada bi najranije to postrojenje moglo biti uključeno u dinamičku kvotu za tu vrstu postrojenja.“

„(4)Akt Operatora za OIEiEK kojim se donose odluke iz stava (1), (2) i (3) ovog člana donose se u formi rješenja i moraju sadržavati pouku o pravnom lijeku.“

#### **Član 5.**

Iza člana 15. dodaje novi član 15a. koji glasi:

#### **„Član 15a. (Lista čekanja)**

(1) U slučaju pismene ponude za stavljanje na listu čekanja iz člana 15. stav (2) ovih Internih pravila, podnosilac zahtjeva, u roku od 15 dana od dana dobivanja ponude, pismenim putem obavještava Operatora za OIEiEK da li prihvata tu ponudu.

(2) Ukoliko je odgovor na ponudu za listu čekanja pozitivan, Operator za OIEiEK donosi rješenje, kojim podnosilac zahtjeva stiče status privilegovanog proizvođača, na dan kada cjelukupna instalisana snaga predmetnog postrojenja može biti uključena u dinamičku kvotu. Rješenje treba da sadrži i informaciju o uvrštavanju postrojenja na listu čekanja, te informaciju kada cjelukupna instalisana snaga postrojenja može biti uključena u dinamičku kvotu.

(3) Nakon izdavanja Rješenja iz stava (2) ovog člana, Operator za OIEiEK je dužan postrojenje podnosioca zahtjeva uključiti na listu čekanja. Podatke o podnosiocu zahtjeva, datumu podnošenja i kompletiranja zahtjeva, datumu uključanja na listu čekanja i podatke o postrojenju Operator za OIEiEK objavljuje na svojoj internet stranici.

(4) Podnosilac zahtjeva kojem se utvrdi status iz stava (2) ovog člana i čije je postrojenje uvršteno na listu čekanja stiče pravo potpisivanja ugovora o otkupu električne energije sa Operatorom za OIEiEK, u skladu sa članom 10. Internih pravila, na dan kada cjelukupna instalisana snaga predmetnog postrojenja može biti uključena u dinamičku kvotu.

(5) Ukoliko je odgovor na ponudu za listu čekanja negativan ili se podnosilac zahtjeva ne izjasni u roku iz stava (1) ovog člana, Operator za OIEiEK donosi rješenje kojim se zahtjev za sticanje statusa privilegovanog proizvođača odbija. Rješenje Operatora za OIEiEK kojim se zahtjev odbija obavezno mora sadržavati obrazloženje odluke, kao i pouku o pravnom lijeku.“

#### **Član 6.**

Ova Interna pravila stupaju na snagu danom objavljivanja na internet stranici i oglasnoj ploči Operatora za OIEiEK.

Broj: 02-107/15  
Mostar, 10.02.2015. godine



**DIREKTOR**

**Hajrudin Bećirović**